

治膀胱實熱小便赤澀

石膏八兩 山梔 茯苓各三兩 知母二兩 蜜五兩

生地 淡竹葉各一升

右咬咀水七升煮取二升下蜜再煮三沸合三服欲利大便加芒硝

治膀胱虛寒小便數或漏精精冷厚稠如米泔方

熟地黃三錢 肉苁蓉六錢 赤白石脂各五錢

桑螵蛸 牡蠣 龍骨 黃連各四錢

右為末音納於赤雄雞腸一具雞胗二具中蒸令

熟乾為細末酒服方寸匕胗音皮胗音雞胗 四卷終

臟腑證治圖說人鏡經卷之五



戊手厥陰心包經亥手少陽三焦經相為表裏心包一名手心主以臟象較之在心下橫膜之上豎膜之下與橫膜相黏而黃脂漫裹者心也其脂漫之外有細筋膜如絲與心肺相連者心包也或問手厥陰經曰心主又曰心包絡何也曰君火以明相火以位手厥陰代君火行事以用而言故曰手心主以經而言則曰心包絡一經二名即相火也

靈樞云十二原以心包經太陵穴為心之原明真心不受邪故知手心主代君火也

十二經脉內應五臟六腑其數不合者謂心包絡亦是一臟以應手厥陰經是臟亦有六也故難經曰五臟亦有六藏者謂腎有兩臟也左爲腎右爲命門命門者謂精神之所舍也男子以藏精女子以繫胞其氣與腎通竊觀近代醫書及世醫所論皆不知心包之藏爲何物及所處何地咸云有名無形只臆中是也豈不詳經云七節之傍中有小心然人之脊骨二十有一節從下起第七節之旁左爲腎右爲命門命門便是心包之臟以應手厥陰之經與手少陽三焦合爲表裏二經皆是相火相行君命故曰命門又懸珠先取先源於三日迎而取之刺太陵者是瀉相火小心之源也是知相火屬包絡包絡是小心小心便是右腎命門也

帝曰手少陰之脉獨無俞何也岐伯曰手少陰者心脉也心者五臟六腑之大主也心爲帝王精神之所舍其藏堅固邪不能客客之則傷心心傷則神去神去則身死矣故諸邪在於心者皆在心之包絡包絡者心之脉也故手少陰無俞焉

手少陽三焦經與手厥陰爲表裏三焦者水穀之道路氣之所終始也上焦在心下下鬲主內而不出其

治在臍中直兩乳陷者是中焦者在胃中脘當臍上四寸不上不下主腐熟水穀其治在臍傍下焦者在臍下當膀胱際也主分別清濁出而不內以傳道也其治在臍下一寸焦原也三焦者三原之氣也內音納上焦主出陽氣溫於皮膚分肉之間若霧露之溉焉中焦主變化水穀之味爲血以榮五臟六腑下焦主通利溲以時傳下故曰出而不內

靈樞云上焦如霧中焦如漚下焦如瀆爲決瀆之官水道出焉九墟云中焦亦並於胃中出上焦之後此所受氣以別糟粕蒸津液化其精微上注於肺脉乃化而爲血以奉生身故得獨行於經隧命曰榮氣故言中焦如漚也仲景曰下焦不和清便重下大便數難臍腹築痛故曰三焦者寄於胸中

脉訣云三焦無狀空有名愚謂三焦者三原之氣也實非無形但不專主一臟耳既爲元氣別使又爲傳化之腑由十二經始於中焦常與衛氣俱行故扁鵲指爲水穀之道路氣之所終始也上焦出於胃上口並咽以上貫膈布胸走腋而至太陰之分中焦亦並胃中出上焦之後下焦別迴腸注於膀胱而滲入焉手厥陰心包乃其合也布絡三焦而三焦之經則又

散絡心包苟無其形將何所憑而包絡從何所附以傳化焉三元參贊云其體有一脂膜如掌狀與膀胱相對有白脉自其中出來脊而上貫腦竊謂如霧如漚喻其明之薄處如瀆云者則又指夫滲入膀胱處也一名外府一名虛臟信然晞范曰心肺若無上焦何以宗主榮衛脾胃若無中焦何以腐熟水穀腎肝若無下焦何以疏決水津此三焦有名無形正臟腑有餘不盡之義苟止心肝脾肺腎而無三焦所寄之腑是人身與天地爲二矣

藏府俱五者謂手心主非藏三焦非腑也以臟腑俱六者合手心主與三焦也難經云臟惟有五腑獨有六者何也所謂腑有六者謂三焦也有原氣之別焉主持諸氣有名而無形其經屬手少陽此外腑也故言府有六焉

又云十二經五臟六腑十一耳其一經者何等經也然一經者手少陰與心主別脉也心主與三焦爲表裏俱有名而無形故言經有十二也緣不專主一臟故言有名無形正理論云三焦者有名無形上合於手心主下合於右腎遂有命門三焦表裏之說殊不知包絡相火附名右腎夫人之臟腑一陰一陽

定耦豈得一經有兩配之理所謂上合手心王正言
其為表裏下合右腎者正言其與包絡相火相合又
以三焦為原氣之別使也知此則知命門與腎通三
焦無兩配矣

右尺命門三焦脉所出

沉實而疾命門也
沉實而稍疾三焦也

石尺脉浮則風邪客於下焦大便熱秘浮而虛元氣
不足沉則水病腰脚痛沉細下痢臍寒痛逼遲則寒
瀉小腹冷腰脚重數則小便赤大便秘浮數表熱沉
數裏熱滑則相火炎盛夢泄陰虛婦人和滑則為有
孕濇則大便澁津液衰其餘診法與腎脉同
手厥陰心包絡經



凡九穴左右兩行共一十八穴自俞府交與乳旁天
池循手臂下行至中指中衝穴止

手心主手厥陰心包絡之脉起於胸中出屬心包下
膈歷絡三焦其支者循胸出脇下腋三寸上抵腋下
下循臑內行太陰少陰之間入肘中下臂行兩筋之
間入掌中循中指出其端其支別者從掌中循小指
次指出其端

厥陰心包何處得乳後一寸天池索天泉腋下二寸
求曲澤內廉尋動脉郄門去腕五寸通間使掌後三
寸逢內關去腕纔二寸太陵掌後兩筋中勞宮掌內
屈指取中指之末出中衝

心包之經多血少氣

是動病則手心熱臂肘攣急腋腫甚則胸脇支滿心
中澹澹大動面赤喜笑不休目黃是主心包

所生病者煩心心痛掌中熱盛者寸口大一倍於人
迎虛者寸口反小於人迎也

金絲



一

—

上一寸側肘上二寸清冷淵消灤臂外肘分索臑會
肩頭三里中肩膠肩端臑上通天髎盆上髂骨際天
牖旁頸後天容翳風耳後尖角陷瘖脉耳後雞足逢
顱息耳後青絡脉角孫耳郭開有空絲竹眉後陷中
看和髎耳前兌髮同耳門耳珠當耳缺此穴禁灸分
明說

三焦經多氣少血

是動病則耳聾渾渾焯焯嗑腫喉痺是主氣

所生病者汗出目銳皆痛頰痛耳後肩臑肘臂外皆
痛小指次指不用盛者人迎大一倍於寸口虛者人
迎反小於寸口也

三焦病者腹脹氣滿小腹堅不得小便窘急溢則爲
水留則爲脹候在足太陽之外大絡在太陽少陽之
間亦見於脉取委陽

三焦脹者氣滿於皮膚殼殼然堅不疼

熱在上焦因欬爲肺痿熱在中焦因痞堅熱在下焦
因溺血

少陽司天火淫所勝平以鹹冷佐以苦甘以酸收之

以苦發之以酸復之

主上半年

在泉火淫於內治以鹹冷佐以苦辛以酸收之以苦

發之主下
半年

六氣少陽之勝治以辛寒佐以甘鹹以甘瀉之

少陽之復治以鹹冷佐以苦辛以鹹熈之以酸收之

辛苦發之發不遠熱無犯溫涼少陰同法

相火之主其瀉以甘其補以鹹

少陽之客以鹹補之以甘瀉之以鹹熈之

相火之運與君火同

少陽相火主三之氣自小滿後六十日有奇天度至

此炎熱大行客爲天氣隨其加臨而言政也

少陽相火司天火淫所勝則溫氣流行金政不平民

病頭痛發熱惡寒而瘧熱上皮膚痛色變黃赤傳而

爲水身面胗腫腹滿仰息注泄赤白瘡瘍欬唾血煩

心胸中熱甚則魀衄病本於肺天府脉絕者不治當

寅申上半年之令也

相火在泉火淫所勝則燭明郊野寒熱更至民病注

泄赤白小腹痛溺赤甚則便血病在大腸餘候與少

陰同當巳亥下半年之令也

心包絡三焦相火味甘補苦瀉氣熱補寒瀉

心包絡補瀉溫涼藥

補 黃芪 人參 肉桂 從蓉 葫蘆巴

免絲 沉香 鹿血 諸酒 補骨脂
狗肉

瀉 大黃 枳殼 芒硝 黃檗 山梔仁 烏藥
溫 附子 肉桂 乾薑 沉香 溫胸臍

川芎 益智 荳蔻 狗肉 補骨脂

茴香 燒酒 鍾乳 硫黃 烏藥 栢子仁

涼 黃檗 知母 黃連 黃芩 柴胡 玄明粉

石膏 滑石 臘雪 山梔 寒水石

心包報使引經藥

戊包敗醬柴胡木丹皮熟地與沙參更有下行經絡

藥青柴熟地可相親

三焦補瀉溫涼藥

補 人參 黃芪 藿香 益智 白朮 桂枝

炙甘草

瀉 枳殼 枳實 青皮 烏藥 神麴 澤瀉

蘿蔔子

溫 附子 丁香 益智 仙茅 厚朴 萆澄茄

茴香 免絲 乾薑 沉香 補骨脂

茱萸 胡椒

涼 石膏 黃芩 黃連 黃檗 山梔仁 知母

人鏡經 卷五
滑石 車前 膽草 木通 地骨皮

三焦報使引藥

亥焦地骨芎芪朮附子青柴熟地逢白虎細辛皆在
內青柴下走共川芎

其諸治法倣心經用